



卷之十上 武備志
卷之十下 武備志
驛營 水地
附 汛
碕堡

ル 5
3258
10

10



門 儿 5
3258
卷 10

黃州府志卷之十上

黃州府知府英 啟纂輯

武備志

營汛 水師汛地附

黃州協營兵丁七百二名計馬兵七十五名戰兵一百十八名
守兵五百九名乾隆十四年載在王志嗣是因時裁撥共存
馬步戰守兵六百四十四名咸豐七年兩次奉文復裁歸水
師六十八名同治九年長江水師營制既定復裁九十三名
現存馬兵五十七名戰兵四十七名守兵三百七十九名共
馬步戰守兵四百八十三名
駐府城兵二百六十一名 王志

黃州府志

營汛

和丁
八
日
年
刊

現駐府城馬步戰守兵一百八十一名 營冊

長江水汛二十一塘 王志

晉家墩 五通口 沙口 陽城河 龍口

葉家洲 矮林鋪 爛泥鋪 鴛公頸 李家渡

羅鵝洲 鴨蛋洲 韭菜港 社樹 新河口

十里鋪 長圻境 巴河口 烏江廟 蘭溪口

迴風磯 巡船兵丁二十二名 今裁

黃岡縣現駐三店汛防兵三十二名 但店 沙河口

馮家集 塘房三座 營冊

蘄水縣防城兵三十一名 王志

現駐縣汛防兵四十六名 雞鳴河 塘房一座 營冊

麻城縣防城兵三十名 王志

現駐縣汛防兵三十六名同治九年移駐兩路口戰守兵二十名共防兵五十六名 兩路口 舊店 黃泥岔

宋埠 塘房四座 營冊

黃安縣防城兵二十一名 王志

現駐縣汛防兵二十六名同治九年移駐黃陂站塘兵十名共防兵三十六名 雙山關 黃陂站 塘房二座 營冊

羅田縣防城兵三十名 王志

現駐縣汛防兵二十七名 鳳凰關 松子關 塘房二座 營冊

羅田縣僧塔寺汛乾隆十八年增置防兵四十三名嗣奉裁撥現存兵三十五名 大河岸 跨馬墩 梭子坪

甕門關

土地嶺

塘房五座

營冊

黃陂縣汛防城兵四十名

王志

現駐縣汛防兵七十名 溝口 竹園 三根樹

雙廟 九子墩 新店 達義鋪 賈家鋪

朱家鋪

塘房九座

營冊

案以上六縣七汛黃州協營撥兵分防官弁名數詳職官志 蘄州營員弁同

蘄州營兵丁二百八十名馬兵二十九名戰兵四十八名守兵二百三名乾隆十四年載在王志嗣屢經裁撥共存馬步戰存馬兵二十四名戰兵二十三名守兵一百六十一名共馬

步戰守兵二百八名

駐州城兵一百五十名

王志

現駐州城馬步戰守兵一百八名

西河驛 菩提壩

大同鄉 均州城兵撥防

營冊

水汛 漳源口 茅山 羅家埠 柘林嘴 掛口

煙光樓 唐家渡 艾家洲 袁家湖 李家洲

道士汛營撥兵三十七名分防

今裁

廣濟縣防城兵二十四名

王志

現駐縣城防兵三十三名 清河鋪 雙城驛 均縣城兵

撥防

營冊

水汛 堡子塘 烏林港 馬口 田家鎮 盤塘

下套口 武穴鎮 中廟塘 龍坪鎮上塘

龍坪鎮下塘 道士汛營撥兵四十六名分防 今裁

黃梅縣防城兵三十五名 王志

現駐縣城防兵六十七名 孔隴驛 下新鎮

停前驛 清河鎮 唐司月 中路庵 十里鋪

西河口 均縣城兵撥防 營冊

水汛 大灣塘 黃泥口 余家滙 陸家背

清江鎮 戴五屯 道士汛營撥兵二十一名分防 今裁

案以上蘄州營汛歸黃州協鎮統轄道士汛營原隸黃州

協營自長江水師另分汛地該營裁剩弁兵歸與國營管

轄

附楚臺紀事云江流千里崔符出沒之數先當事者議雙流
夾禦以指揮三江口統以守備上通陽邏下抵馬口聲警相
聞首尾擊應舟船無虞往來殆十餘年頃間有叵測而無稽
睇駐劄之所或有一暴十寒者乎則保甲之令墩堡之修
哨之密要不可忽明萬歷中黃岡知縣茅瑞徵上御史條
議本縣連互斷春肘腋鄂渚控引江淮旁指光息楚一門戶
也四通之途不逞生心五方之民奸兇接踵江洋要害豈分
偷安旦夕不備不虞竊照長江一帶每十里設巡船一隻分
兵哨截禁止夜行商旅頗快即次之安居民亦獲安居之樂
而九江以上此法全疏矣兵統徭承老弱徒寄空名哨分上
下鈍朽坐糜工食即巡船亦屬烏有寇竊發一有失事動多委
罪有司崔符四起誰任其咎安謂申嚴保甲修理柵欄郡縣
為政至於沿江設險原其有汛地巡哨船隻因法久盡弛合
無今後比照南中事例責令軍衛掌印船隻同巡司等官查修
撥守或五里或十里首尾應援一遇有警前後督赴攔截自
當應時就縛萬一脫逃沿路連坐又應於農隙後治此直救
標之議也或謂城濠積水不宜淤塞應於農隙後治此直救
謂城鋪傳更道法盡查三軍擁蔽上游實屬要害岐亭縹緲
之慮似當早計及備查盜賊窩固出沒之數前此皆有專設
壞黃麻去郡特遠尤為盜賊窩固出沒之數前此皆有專設
衙門臨鎮其地相應照舊申飭戒嚴無撤藩籬庶幾草澤不

營汛

四

至生心而民閒且暮安
枕此實弭盜安民切務

水師汛地 附

黃岡縣

漢陽中營後領哨守備駐陽邏

漢陽營後哨一隊千總駐上葉家洲汛

漢陽營後哨三隊把總駐龍口汛

漢陽營後哨四隊把總駐水口汛

漢陽營後哨七隊外委隨哨駐陽邏協防巡務

漢陽營前哨守備駐鶯公頸領哨巡防

漢陽營前哨一隊千總駐下葉家洲汛

漢陽營前哨二隊千總駐東嶽廟汛

漢陽營前哨五隊把總駐鶯公頸汛

漢陽營前哨三隊把總駐團風汛

巴河營前哨守備駐磧磯汛

巴河營前哨一隊千總駐西河鋪汛

巴河營前哨二隊把總駐黃州城外新河口汛

巴河營前哨四隊外委駐羅家溝汛

巴河營前哨五隊外委駐牛王洲汛

巴河營左哨二隊千總駐黃岡縣屬樊口汛

巴河營右哨五隊外委駐洪家溝汛

蘄水縣

巴河營遊擊駐巴河鎮董家湖

巴河營左哨都司駐泊巴河領轄七隊專司糧餉
巴河營右哨都司駐泊巴河領轄七隊專司軍裝
巴河營左哨三隊把總駐三峽上汛
巴河營左哨六隊外委駐三峽下汛
巴河營左哨七隊外委駐巴河護餉
巴河營右哨二隊把總駐散花墩汛
巴河營右哨三隊把總駐新港汛
巴河營右哨一隊千總駐蘭溪汛
巴河營右哨四隊外委駐巴河下口汛
巴河營右哨七隊外委駐巴河上口汛
巴河營前哨六隊外委駐巴河供差

蘄州

田鎮營左哨一隊千總駐蘄州汛
田鎮營左哨二隊千總駐烏林港汛
田鎮營左哨三隊把總駐馬口港汛
田鎮營前領哨守備駐漳源口兼轄羅家埠汛
田鎮營前哨二隊千總駐羅家埠汛

廣濟縣

田鎮協營副將駐廣濟縣屬田家鎮兼轄五哨
田鎮營左領哨都司駐田家鎮
田鎮營左哨四隊把總駐磨盤山汛
田鎮營右領哨都司駐田家鎮

田鎮營右哨三隊把總駐盤塘汛

田鎮營右哨四隊把總駐三里港汛

田鎮營右哨五隊把總駐老鼠峽汛

田鎮營中領哨守備駐武穴鎮

田鎮營中哨一隊千總駐武穴汛

田鎮營中哨二隊千總駐上龍坪汛

田鎮營中哨三隊把總駐武穴下卡汛

田鎮營後哨二隊千總駐新洲汛

田鎮營後哨三隊把總駐汶河汛

田鎮營後哨四隊把總駐下龍坪汛

黃梅縣

田鎮營後領哨守備駐陸家嘴

田鎮營後哨一隊千總駐陸家嘴汛

補遺

黃岡縣

巴河營前哨三隊把總駐府塘港汛

驛遞

黃州府

齊安驛

在城南原係水驛明宏治間以臨
臯馬驛併焉舊屬府今屬黃岡縣

黃岡縣

齊安驛

在一字門內
額馬三十四

李坪驛在團風鎮

久裁

陽邏驛在陽邏鎮

久裁

急遞總鋪

在清源門外沙街額設鋪司兵十七名凡
鋪一目為鋪司餘為鋪兵今裁存八名

長圻鋪

鋪司兵九名

十里烏柏鋪

鋪司兵七名

十里至楓香鋪

額設鋪司兵八名
今裁存五名

十里至楊林鋪

鋪司兵七名

十里至桑林鋪

鋪司兵八名

十里至蘄水七里鋪

額設鋪司兵八名
今裁存五名

北十里至長坡

鋪司兵八名

十里至松

鋪司兵八名

楊鋪額設鋪司兵八名 十里至臨江鋪額設鋪司兵八名 十里至

團風鋪額設鋪司兵十三名 十里至花園鋪額設鋪司兵七名 十

里至竹瓦鋪額設鋪司兵六名 十里至淋山河鋪額設鋪司兵六名 十

里至丁家墻鋪額設鋪司兵六名 十里至黃山鋪額設鋪司兵六名 十

里至久長鋪額設鋪司兵七名 十里至道觀河鋪額設鋪司兵六名 十

里至馬驛鋪額設鋪司兵七名 十里至濫泥鋪額設鋪司兵八名 十里至矮

林鋪額設鋪司兵七名 十里至汪家鋪額設鋪司兵八名 十里至雙柳鋪額設鋪司兵八名 十

里至城林鋪額設鋪司兵八名 十里至陽邏鋪額設鋪司兵十五名 十五

里至武昌府江夏縣官屯鋪 又東北路自陽邏鋪起十五

里至粉壁鋪額設鋪司兵六名 十里至曹沖鋪額設鋪司兵七名 十

十里至畢家鋪額設鋪司兵五名 十里至周山鋪額設鋪司兵八名 今裁存

十里至陶山鋪額設鋪司兵七名 十里至三山鋪額設鋪司兵八名 今裁存

十里至黃安高林鋪 西北一十五里至黃陂甘棠鋪

蕪水縣

浣川驛在縣南額馬二十四匹

巴水驛在縣西四十里額馬二十四匹

蘭溪水驛在縣西南四十里額馬二十四匹

急遞總鋪鋪司兵一十八名 南十里至石牛鋪鋪司兵九名 十里至分流鋪

鋪司兵八名 十里至李店鋪鋪司兵九名 十里至六廟鋪鋪司兵十一名 十里

達蕪州女兒街鋪 北十里至鍾師樓鋪鋪司兵十名 十里至松

林鋪鋪司兵十名 十里至孟家山鋪鋪司兵九名 十里至何廟鋪鋪司兵九名

名 十里至劉店鋪鋪司兵十名 十里至七里鋪鋪司兵十名 十里至黃岡烏柏鋪

東十里至滑石鋪鋪司兵七名 十里至株林鋪鋪司兵八名 十里至三店鋪鋪司兵八名

十里至白沙嶺鋪鋪司兵八名 十里至歇塘鋪鋪司兵四

十里至羅田縣嚴家坳鋪 西十里至遇客嶺鋪司兵二名

里至竹林墩鋪司兵二名 二十里至蘭溪鋪

麻城縣

舊館驛在縣中街久裁

中館驛在縣西三里久裁

東館驛在縣東久裁

縣前總鋪在鼓樓街鋪司兵八名 南十里至十里鋪鋪司兵六名 十里至白棠

鋪鋪司兵七名 十里至白杲鋪鋪司兵七名 十里至望花鋪鋪司兵七名 十

里至沙河鋪鋪司兵七名 十里達黃岡縣道觀鋪 北四十五里

至黃福鋪鋪司兵四名 四十五里至王家樓鋪鋪司兵四名 四十五里達河

南光山縣長潭鋪

黃安縣

縣前鋪額設鋪司兵三名 東五十里達麻城縣岐亭鎮 南十里至十

里鋪鋪司兵一名 十里至周家坳鋪鋪司兵一名 十里至桃花鋪鋪司兵一名 十里

至栗林鋪鋪司兵一名 十里至柿林鋪鋪司兵一名 十里至中和司鋪鋪司兵一名

十里至八里灣鋪鋪司兵一名 十里至馬頭鋪鋪司兵一名 十里至太平橋

鋪鋪司兵一名 十里至高林鋪鋪司兵一名 三十里達黃岡縣三山鋪 西

四十里達漢陽府黃陂縣劉家鋪 北四十里至本縣雙城鎮

羅田縣

縣城驛 額馬三匹

縣前總鋪 在縣西鋪司兵十名 東二十五里至鳳凰鋪 鋪司兵三名 二十五里

至石橋鋪 鋪司兵三名 二十里達安徽英山縣 又東分路自總

鋪三十里至大河岸鋪 鋪司兵三名 六十里至跨馬墩鋪 鋪司兵三名

三十里至本縣多雲司 南一十里至十里鋪 鋪司兵五名 十里

至長嶺鋪 鋪司兵五名 十里至嚴家鋪 鋪司兵五名 十里達蘄水縣歇

塘鋪

蘄州

西河驛 在州西北五十五里額馬二十匹

蘄陽水驛 在大西門外久裁

遞運所 在得勝寺前久廢

州前總鋪 額設鋪司兵十二名今裁存四名 東十里至兩路口鋪州志作侯貴

府鋪 額設鋪司兵八名今裁存三名 十里至施家塘鋪 額設鋪司兵八名今裁存三名 十里

至菩提壩鋪 額設鋪司兵八名今裁存四名 十里達廣濟縣楊林鋪 北五

十里至高山鋪 額設鋪司兵八名今裁存三名 十里達廣濟縣固城鋪 由

高山鋪西北十里至十里鋪 額設鋪司兵八名今裁存三名 十里至三家店

鋪 額設鋪司兵八名今裁存三名 十里至西河驛鋪 額設鋪司兵八名今裁存三名 十里至

火爐鋪 額設鋪司兵八名今裁存三名 十里至橫車橋鋪 額設鋪司兵八名今裁存三名 十

里至女兒街鋪 額設鋪司兵八名今裁存五名 十里達蘄水六廟鋪

廣濟縣

廣濟驛 在縣治左今併入梅川驛

梅川驛 在縣治右額馬二十四

雙城驛 在縣東六十里額馬二十四

急遞鋪 在縣西門外鋪司兵九名 東十里至萬車鋪 鋪司兵六名 十里至青蒿鋪 鋪司兵六名 十里至荆竹鋪 鋪司兵六名 十里至車坊鋪 鋪司兵七名 十里

至石龍鋪 鋪司兵六名 十里至雙城鋪 鋪司兵七名 十里至黃梅縣大

河鋪 西南十里至許家鋪 鋪司兵六名 十里至周源鋪 鋪司兵六名

十里至楊林鋪 鋪司兵六名 十里至蘄州菩提壩鋪 西十里至

十里鋪 鋪司兵七名 十里至固城鋪 鋪司兵六名 十里至蘄州高山鋪

南七十里至本縣武穴鎮

黃梅縣

縣城驛 額馬五十四

停前驛 在縣東四十里東通江南太湖之楓香驛西通廣濟之雙城驛額馬五十四

孔隴驛 在縣南五十里路通江西德化縣康熙十八年添設驛馬令清江鎮巡檢管轄今巡檢駐孔隴額馬五十四

急遞總鋪 鋪司兵十六名 東十里至柘林鋪 鋪司兵五名 十里至土橋鋪 鋪司兵五名 十里至三渠鋪 鋪司兵七名 十五里至畢家鋪 鋪司兵五名 十里

達安徽宿松縣寨子鋪 南十里至穀塘鋪 鋪司兵三名 十里至濯

港鋪 鋪司兵五名 二十里至白湖鋪 鋪司兵四名 十里至孔隴鋪 鋪司兵五名

十里至深溝鋪 鋪司兵三名 十里至唐穴鋪 鋪司兵三名 十里至老夾鋪 鋪司兵

三十里至清江鋪 鋪司兵五名 十里至江西德化縣總鋪 西十

里至金鐘鋪 鋪司兵六名 十里至大河鋪 鋪司兵六名 十里至廣濟縣

驛遞

覆鐘砦 在永甯鄉七道河

黃龍砦 在永甯鄉黃龍巖

永安砦 在永甯鄉李婆墩

保境砦 在永甯鄉三里

崎陽砦 在永甯鄉小崎山

龍門砦 在永甯鄉五雲山

金安堡 在慕義鄉五里

盤石堡 在慕義鄉石盤

龍泉堡 在慕義鄉城山

義安堡 在慕義鄉新州縣

張家砦 在永甯鄉張宅灣

小箔金砦 在永甯鄉七道河

吉祥砦 在永甯鄉李婆墩

雲峯砦 在永甯鄉李婆墩

甯家砦 在永甯鄉賈家廟

全福砦 在慕義鄉馬跑

天仙砦 在慕義鄉天仙山

永安堡 在慕義鄉詹家背

治安砦 在慕義鄉宋家牆

萬全堡 在慕義鄉辛家衝

獅峯堡 在永甯鄉獅子巖

陳家老堡 在永甯鄉陳姓灣

永清堡 在上伍鄉道觀河

黃龍堡 在上伍鄉

杜家堡 在上伍鄉

萬全堡 在上伍鄉

王家老堡 在上伍鄉

墩陳老砦 在上伍鄉

成興堡 在上伍鄉

蜂城砦 在上伍鄉

琵琶砦 在上伍鄉

萬全堡 在上伍鄉

四柱山砦 在下伍鄉

保安堡 在上伍鄉道觀河

石山堡 在上伍鄉

人和堡 在上伍鄉

永安堡 在上伍鄉

普安堡 在上伍鄉

六合堡 在上伍鄉

乾元老砦 在上伍鄉

得勝堡 在上伍鄉

守望堡 在上伍鄉

古城砦 在下伍鄉

何墩堡 在下伍鄉

福星堡 在下伍鄉馮家墩縣北八十里

安全堡 在下伍鄉麻母山

黃林堡 在下伍鄉野縣北百餘里

天一堡 在下伍鄉柳林區

江家古堡 在下伍鄉

洪山老砦 在庶安縣西北九十里

永保堡 在庶安縣西北九十里

清安堡 在庶安縣西北九十里

生成堡 在庶安縣西北九十里

萬安堡 在庶安縣西北九十里

永安堡 在庶安縣西北九十里

淋山砦 在下伍鄉淋山河街縣北八十里

萬安堡 在下伍鄉

方家古砦 在下伍鄉方家祠

均安堡 在下伍鄉

仁義堡 在下伍鄉

鱖魚砦 在庶安縣西北九十里

百福砦 在庶安縣西北九十里

均安堡 在庶安縣西北九十里

人和堡 在庶安縣西北九十里

義興堡 在庶安縣西北九十里

安和堡 在庶安縣西北九十里

周家老堡 在庶安縣西北九十里

柳溪堡 在庶安縣西北九十里

孔福堡 在庶安縣西北九十里

帶河堡 在庶安縣西北九十里

永安堡 在庶安縣西北九十里

釣魚臺堡 在庶安縣西北九十里

興安堡 在庶安縣西北九十里

金山堡 在庶安縣西北九十里

蕪水縣

月山砦 在縣城旁五里

集安砦 在縣城旁五里

關山堡 在庶安縣西北九十里

普安堡 在庶安縣西北九十里

古安堡 在庶安縣西北九十里

武勝堡 在庶安縣西北九十里

普安堡 在庶安縣西北九十里

興隆堡 在庶安縣西北九十里

慶安堡 在庶安縣西北九十里

青山砦 在縣東南七十里

城山砦 在縣東南十五里

英武砦 在縣南八十里

朝陽砦 在縣南七十里

天培砦 在縣南三十里

青龍砦 在縣南三十五里

永福砦 在縣南五十里

蓮花砦 在縣西南五里

保平砦 在縣西南距六神港二里

得勝砦 在縣西南三十里

城山砦 在縣西三十里

石洞砦 在縣西四十里

斗牛砦 在縣西三十里

石門砦 在縣西北六十里

飛虎砦 在縣西北二十里

三台砦 在縣西北三十里

青雲砦 在縣西北二十六里

永清堡 在縣北距西陽河一里

保和砦 在縣北四十里

石佛砦 在縣北四十里

鶴山砦 在縣北六十里

萬全砦 在縣北九十里

添福砦 在縣北八十里

華桂砦 在縣北百十里

天保砦 在縣北十五里

白石砦 在縣北十里

天堂砦 在縣北二十里

大山砦 在縣東北距竹瓦店一里

週邏砦 在縣東北百里

神保砦 在縣北百里

四望砦 在縣東北九十里

嶙山砦 在縣東北五十里

永安砦 在縣東北四十里

慈航砦 在縣東北三十五里

峩眉砦 在縣東北三十里

保平砦 在縣東北五十里

花潭砦 在縣東北七十里

麻城縣

長嶺關鎮安卡 卡門一座 礮臺三座

松子關信義卡 在邑極東與羅邑毘連北界商

城通英霍卡 門二座 礮臺一座

九歇山保安卡 卡門一座

礮臺五座 東西營房十數間

雙廟關固安卡 北界商城卡門一座 礮臺一座

兩路口大界嶺楚安卡北界商城卡門一座礮臺一座

兩路口小界嶺疆安卡卡門一座豐九年奉巡撫胡林翼諭建

必勝門卡在黃麻均六里地咸豐五年邑人建立

保安堡在白果即古白果成地

高山砦在路口街西

竟成堡在路口街

帝王堡在宋杜區杜家何街西

福臨堡即福田河街南北通衢

蔡家砦在張留區

天平砦明末遺址重建

永清砦在虎頭關對河

瓦礫巖砦在宋杜區接光山界

公義堡在縣北四十里

仁義堡

寶珠砦在上馬區

獅子砦在縣西北五十里

祖公山砦在縣北三十里

福王砦原名鄆家砦在縣北四十里

安定堡在縣北四十里黃土岡

太平堡原名贏猪腦在白臘區

龍山堡原名古山砦在白臘區

永豐堡在石上馬

永安堡即龍山寺

天齊堡在鋪鋪

一姓堡在江樹灣

戴家砦在邊堰區槐樹邊後

江家砦在邊堰區九塘衝後

均和堡在七家廟

傅興灣堡在沙河區為邑南門戶

周湘砦在仙居鄉永甯村

白樓窰堡在青山堡西

清平堡在九龍山距縣九里與黃安合建

保安堡舊名楊泗寨距縣九里為縣北要害

蓮花山堡在縣八十里高槐區

石樓堡在縣南三十里

人和堡在奉道山

萬安堡在縣南三十里鳴山

同心堡在細楊區曲背尖

致安堡在走馬岡

青山堡在萬勿區為邑西保障

保安堡在義合區豹兒腦十七

久安堡 在唐殿區 遊蕩山

萬巖堡 在萬 切區

人和砦 在上義區 鹿角尖

均安堡 在宋埠鎮距縣六 十里為縣西保障

花石砦 在墩陽區 縣七十里

烏米砦 在墩陽區 風尖山

清和砦 在墩陽區 尖腦山

文筆砦 在鬪 牛砦

朝陽砦 在篤實 區下分

太和砦

保和砦

金堂堡 在義合區 八疊山

大勝堡 在深溝區與 岐亭為犄角

雁門砦 在義合 區北

永安堡 在雲 霧山

康阜砦 在墩陽區 黃貓尖

安樂砦 在墩陽區 香山北

拔塵砦 在拔 塵山

大勝砦 在篤實 區上分

康王砦 在篤 實區

利和砦

靈山砦 以上四砦在 白沙區上分

百勝砦 在萬古 樓山頂

天保砦

神武砦

蘇石砦 以上六砦 在甌山區

大腦砦 在三 杏區

承平砦

雙尖砦

仁壽堡 在橫河 區靜山

大同堡

鯉魚山堡

白米山堡 以上六堡 在橫河區

中和砦

燕子砦

清平砦

石城砦 在三 杏區

保安砦 在懸鐘區今 名三湘砦

西峯砦

鳳鳴砦 以上四砦 在東義洲

鄧家山堡

腦鍾山堡

四方山堡

玉霧砦

蛇山岩 以上二岩 在石觀區

燕子岩 在石觀區

蒲楊村堡 明建基 尚存

志城岩 在田家山

名勝岩

人和岩 在陡林

屏風岩

天井岩

胡家山岩

黃古巖岩

覆鐘岩

保安堡 在大成區

毅安岩 在高峯區

興隆岩 在鼓樓山

五峯岩

雲龍岩 係羅田地界

安定岩 在撞嶺

中權岩

蔡家巖岩

朝陽觀岩

雲霧觀岩

林家岩

富居岩

靜平岩

守望岩 在黃市

塔寺山堡 在向打石區

鳳凰堡 在雙廟關西

保定堡 在木子店區 距縣九十里

人和堡 在柏子區 距縣三十四里

保釐堡 在閻家河區 距縣二十里

大生堡 在橫河區 距縣六十里

致安堡 在走馬岡區 距縣四十里

董家堡 在閻家集區 距縣二十五里

保安岩

鮑家岩 在范家坳區

礦山堡 在陶家區

萬福堡 在陶家區

平心堡 在宋杜區 距縣五十里

永安區 在上義區 距縣五十六里

龍華堡 在石陂區 距縣三十里

人和堡 在河井區 距縣五十里

義安堡 在天齊區 距縣六十里

朱山堡 在龍門區 距縣三十里

同心堡 在卧牛石區距縣三十五里

鳳到山堡 在土門區距縣五十里

黃安縣

黃楊砦 在縣北七十里楚豫交界地周環如壁其上平行宋元之季土人於此立砦避兵保全萬計事鐫天臺山石壁

黑眼砦 在鳳山

大峯山砦 在縣南五十里為東南屏障

銀山砦 在縣西北四十五里

卓旺山砦

吳家砦 在縣西三十里

木城砦 在縣北六十里接河南界

臺山砦 在縣北七十里

三合堡 距縣五十里

黑石砦 接光山縣界

江家村砦

紫雲砦 在縣東三十里安麻交界處

江家砦

清泉砦 在縣南五十里

鮑家砦 在縣西南三十里

老君山砦 在縣北六十里

大勝山砦 接麻城界

三角山砦 在縣東三十里

龍興砦 即蜂子寺古刹山距縣百里

紅花尖砦 距縣九十里

易城砦 在縣南二十五里

上獨山砦 在縣南二十五里

王姥砦 在縣西南二十里以上五砦隸高橋會

程家大屋堡

門前灣堡

廣慶堡 在縣南九十里

獨山砦

蓮花山砦

清風砦 在縣東三十里以上二砦隸三角會

社尖砦 距縣百里北通河南南達黃孝

竹葉砦 以上四砦在縣西北隸老山會

天窩砦 在縣南十五里

程河寺堡 在縣南二十里

詹店砦 在縣南三十里

王子山砦 在縣南二十五里

清平砦

人和砦

橫山砦

天井砦

陽臺山岩 在縣北四十里

燈籠山岩 在縣北四十里

永安山岩 在縣東北二十五里

突山岩 接麻城界在張煜村面山

龍潭寺堡 在縣東北十五里以上二岩隸道安會

福安岩 在縣東北

傅董家堡

傅橋程堡 以上三岩在縣東南隸傅左會

尾斗山岩

西張元堡 以上二岩在縣東南隸松溪會

大塘山岩

鄂家岩 以上二岩在縣東隸陡墩會

公安岩

安良堡 以上二岩隸張店會

清元岩 在縣西北六十里

挹雲岩 以上二岩隸呂旺會

天心岩 在縣西北六十餘里仰天窩

八里灣堡 八會共立地當衝要

寶印山岩 在紫潭會距縣九十六里

太平礮岩 在縣東南八十八里

龍窩山堡 在縣南八十里

天鷲岩 在縣東二角會

人和堡 在縣北四十里隸龍潭會

夏家岩 在縣南八十五里

迴龍堡

龍王山岩 在縣西北四十里

石家堡

長竹山岩 在土墩會

應龍堡

洪界山岩 在西行會

普安岩

宏冒山岩 在西岩會

永清岩 在塔兒會東距縣六十里

大成岩 在縣西二十里

磐安岩 在縣北三十里

藥壺岩

鷺口岩 在柏林會

傅家岩

西陽岩

獅子山岩

劉德岩 距縣八十八里

張家岩 距縣八十里

同安岩 在西林會距縣三十五里

響鈴岩 在縣北七十里楚豫交界處

新安砦 在七里坪上通光羅
下通江漢地扼險要

筆架山砦 在土墩會

謝家堡 在縣南
九十里

磨盤山砦 在縣南
五十里

黃金砦 在縣東
十五里

抱雲砦 在呂旺會距
縣六十里

武聖砦 在羊角會距
縣六十里

萬山砦 在石灰會距
縣四十里

龍王砦 在縣北
六十里

歸元砦

龍旺堡 在蔡祠會

人和砦 在莊會上

涂家灣砦 在棗林會

安懷砦 在莊會上

關王砦 在東烟會

古城砦 在縣北
三十里

羅田縣

松子關信義卡 在平
湖鄉

平頂山卡 在平
湖鄉

八斗衝卡 在平
湖鄉

馬鞍腰信義西卡 在平
湖鄉

五斗坳信義東卡 在平
湖鄉

白沙嶺卡 在平
湖鄉

銅鑼關奉義卡 在平
湖鄉

青苔關尚義卡 在平
湖鄉

甕門關崇義卡 在平
湖鄉

大嶺岡集義東卡 在平
湖鄉

小夫子嶺集義西卡 在平
湖鄉

黃龍山由義卡 在平
湖鄉

水田山居義卡 在平
湖鄉

栗子關宗義卡 在平
湖鄉

濛濛山遵義卡 在平
湖鄉

夫子嶺循義卡 在平
湖鄉

隔山坳卡 在平
湖鄉

太平砦 在縣東
三十里

集雲砦 在縣東
二十里

猴豬砦 在縣東
四十里

大羅砦 在縣東
四十里

光山砦 在縣東
五十五里

觀音山砦 在縣東
五十里

周家砦 在縣東
八十里

斑竹砦 在縣東
六十里

黃州府志 卷之十一

礪堡

二十一

石龍砦 在縣東南四十里

虎母砦 在縣南二十五里

楊家砦 在縣西八里

天保砦 在縣西北十里

雲峯砦 在縣西北二十五里

黑巖砦 在縣西北四十五里

鼓羊砦 在縣西北六十里

挂弓砦 在縣西北七十里

仙女砦 在縣西北七十五里

九龍砦 在縣西北九十里

新永安砦 在縣西北百里

高峯砦 在縣南二十里

保安砦 在縣南五十里

萬全砦 在縣西三十里

熊巖砦 在縣西北二十里

人和砦 在縣西北三十里

風尖腦砦 在縣西北五十里

青雲砦 在縣西北六十里

揚旗砦 在縣西北七十里

安堵砦 在縣西北八十里

安靖砦 在縣西北九十里

吳家砦 在縣西北百里

雁門砦 在縣西北百二十里

周家砦 在縣北六十里地最險要

烏雲砦 在縣北七十五里

獨尊山砦 在縣北百二十里

南永安砦 在縣東北三十里

北永安砦 在縣東北五十里

彭家砦 在縣東北八十里

蕪州

將軍第一關 在大同鄉張家塆魚頭地方距城百五十里

歧賊易出沒不固守無以圖存不設險無以固守不洞晰山陵川谷孰於我界孰於敵害則無以擇地設險咸豐七年秋奉胡文忠公檄凡界英山宿松太湖等邑諸險親按其地詳審形勢設卡八編鎮定綏安和親康樂諸名均以長字冠

鳴谷砦 在縣北五十里

主簿砦 在縣北六十里

騎龍寺砦 在縣北九十里

望英砦 在縣東北三十里

望雲砦 在縣東北四十里

新青雲砦 在縣東北五十五里

天堂砦 在縣東北百六十里勢極險峻

將軍第一關則設於張家塆以將軍居其前顏曰

長鎮卡 地名打虎廠 長定卡 地名楊樹坳

長綏卡 地名牛頭衝 長安卡 地名陳德園

長和卡 地名小隘嶺 長親卡 地名宋家嶺

長康卡 地名棠梨嶺 長樂卡 地名唐家山

朝陽岩 在崇居鄉 圓峯山岩 在永福鄉距

馬驊山岩 在永福鄉距 石人岩 在州北百

劉家岩 在石人岩 福興岩 在州北

青峯岩 在州北 天垣岩 在州北百

至誠岩 即黑石岩在 三朋岩 在州北九

龍王岩 在州北 蘇山岩 在州東

馬面岩 在州東 永全岩 在州北百

長城岩 一名望家岩在州東北 大桴岩 在州北百

小桴岩 與大桴 龍頂岩 在州北

永保岩 在州北 永安岩 在州北

鼓角岩 在州北 盤龍岩 在州北

天生岩 在州北 大安岩 在州北

金鷺岩 在金鷺 橫岡岩 在崇居鄉

均安岩 在八斗 銅關岩 在州北

青峯岩 在州北 石銀岩 在州北

策山岩 在州北 歷山岩 在州北

同心岩 在州北 長春岩 在州北

保安砦 在大旺山距州四十五里

天保砦 在大同鄉葛場山距州百六十里

五岳山砦 在州西北六十里

靈山砦 在州西北六十里

操家砦 在州西北七十里

媵姆砦 在州北九十里

展旗山砦 在州東北六十里

楊家砦 在州北百二十里

麻石砦 在州西北八十里

女人砦 在州北百二十里

太平砦 在州東北九十里

烟波砦 在州東北六十五里

蘆林砦 在州東北八十里

雞冠砦 在崇居鄉

全安砦 在安平鄉罐山

芙蓉砦 在崇居鄉距州百里

黑石砦 在明季土人避難於中

荆竹山砦 元至正間禦紅巾賊處

廣濟縣

永安砦 在縣東五里靈山

鷺峯山砦 在靈山東

周砦 在縣東五里

龍頭砦 在縣東五里

獨山砦 在縣東五里

龍山砦 在縣東二十里

安民砦 俗名王家砦在大明山南

後峯山砦 在縣東南二十五里

觀音山砦 在縣東南二十五里

廉貞山砦 在縣東南二十五里

大符山砦 在縣東南三十五里

保泰砦 在縣東南六十里

寶山砦 在縣東南六十里

武山砦 在縣西南四十里

四望山砦 在縣西南三十里

長安砦 在縣西南六十里

眠牛砦 在縣西南六十里

金山砦 在縣西八里

龍頂砦 在縣西二十里

人和砦 在縣北二十里

橫岡砦 在縣北二十里

紫荊砦 在縣北十五里

雲集砦 在層峯山前

清吉砦 即古游鴻砦在縣東北三十里東衝山下

安定砦 在縣東北三十里五峯山

安仁砦 在五峯山東北

黃梅縣

紅花砦

龍坪砦 以上二砦俱宋

菩提城砦

唐福山劉砦主築以避兵今為董家城

董公城砦

在灌港南詳古蹟

舒城山砦

明季黃景恆等立詳忠義黃景恆傳

萬家堡

在龍坪鎮紫雲山

萬全砦

在龍坪鎮扯旗尖後抵蘄州界

益美砦

在龍坪鎮栗林尖

長安砦

在溪鎮

福星砦

在溪鎮

雲山堡

在雲鎮

東山堡

在東山鎮

高山砦

在田鎮

獅頭砦

在什村考田二鎮之間

雙峰砦

在元角鎮雙峰尖

黃州府志卷之十上終

黃州府志卷之十下

黃州府知府英 啟纂輯

武備志

兵事

周

惠王二十二年 魯僖公五年 楚鬬穀於菟滅莒莒子奔黃於是江黃

道柏方睦於齊皆莒媼也莒子恃之而不事楚又不設備故

亡 左傳

案歷代地理志江國在汝甯府新息縣西南安陽故城黃

國在今光州界或以江夏黃岡二縣為古江黃二國者誤

敬王十四年 魯定公四年 蔡侯吳子唐侯伐楚舍舟於淮汭自豫章

黃州府志卷之十一
與楚夾漢左司馬戍謂子常曰子沿漢而與之上下我悉方城外以毀其舟還塞大隧直轅冥阨子濟漢而伐之我自後擊之必大敗之既謀而行武城黑謂子常曰吳用木也我用革也不可久也不如速戰史皇謂子常楚人惡子而好司馬若司馬毀吳舟於淮塞城口而入是獨克吳也子必速戰不然不免乃濟漢而陳自小別至於大別三戰子常知不可欲奔史皇曰安求其事難而逃之將何所入子必死之初罪必盡說十一月庚午二師陳於柏舉闔廬之弟夫槩王晨請於闔廬曰楚瓦不仁其臣莫有死志先伐之其卒必奔而後大師繼之必克弗許夫槩王曰所謂臣義而行不待命者其此之謂也今日我死楚可入也以其屬五千先擊子常之卒子

常之卒奔楚師亂吳師大敗之

左傳

案名勝志麻城縣東有黃柏山東南有舉水故得柏舉名

漢

高帝時英布屯兵於九江城及東黥城西黥城

黃梅志

案元和郡縣志九江故城在黃梅縣西南七十里

世祖時寇恂屯兵寇師洲

案洲在黃梅縣西南七十里寇恂平河內經此屯兵

黃梅志

順帝永和二年八月江夏盜殺邾長

後漢書順帝紀

案邾今黃岡縣地後漢書注作復州竟陵縣似誤

獻帝建安二年袁術僭號曹操征之術走渡淮畱其將張勳橋

蕤於蘄陽以拒之操擊斬蕤勳退走

後漢書袁術傳

三國

吳

黃武初晉宗為斬口將以眾叛如魏還為斬春太守圖襲安樂取其保質孫權以為恥六月盛夏出其不意遣賀齊督麋芳

鮮于丹等襲斬春遂生虜宗

吳志賀齊傳

赤烏四年陸遜取魏邾以兵三萬戍之

吳志陸遜傳

魏

太和二年滿寵領豫州刺史三年春降人稱吳大嚴揚聲欲詣江北獵孫權欲自出寵度其必襲西陽而為之備權聞之退

還

魏志滿寵傳

晉

大興初陶侃為武昌太守時天下饑荒山夷多斷江劫略侃令

諸將詐為商船以誘之劫果至生獲數人西陽王羨之左右

也侃即遣兵逼羨令出向賊侃整隊於釣臺為後繼羨縛送

帳下二十人侃斬之自是水陸肅清

晉書陶侃傳

咸和初陶侃以荆江二州刺史鎮武昌議者以武昌北岸有邾

城宜分兵鎮之侃每不答而言者不已侃乃渡水獵引將佐

語之曰我所以設險而禦寇正以長江耳邾城隔在江北內

無所倚外接羣夷夷中利深晉人貪利夷不堪命必引寇虜

乃致禍之由非禦寇也且吳時此城乃三萬兵守今縱有兵

守之亦無益於江南若羯虜有可乘之會此又非所資也及

庾亮戍之果大敗

晉書陶侃傳

兵事

三

咸和五年郭默叛司徒王導以默為江州刺史驍勇難制陶侃使西陽太守鄧嶽等將西陽之眾討默默戰不利入城固守默將宋侯縛默及子出降侃斬之資治通鑑

咸康五年毛寶為豫州刺史與西陽太守樊峻以萬人守邾城石季龍惡之乃遣其子鑿與其將夔安李菟等五萬人來寇張貉渡二萬人攻邾城寶求救於亮亮以城固不時遣軍城遂陷寶峻等率左右突圍出赴江死者六千人寶亦溺死晉書

毛寶傳

元興三年五月劉道規與劉毅何無忌攻桓元西走江陵留郭鈴等守湓口乃大聚兵眾召水軍造樓船器械率眾二萬浮江東下與冠軍將軍劉毅相遇於崢嶸洲時兵不滿萬人眾

憚之欲退守潯陽道規不可麾眾而進毅等從之大破元軍

郭鈴與元單舸走江陵不復能守宋劉道規傳

案崢嶸洲今黃岡地

宋

元嘉二十八年西陽蠻緣江為盜寇西陽蠻有巴水蘄水赤亭水西歸水浠水謂之五水蠻所在並深阻種落熾盛歷世為盜賊北接淮汝南極江漢地方數千里於是殺南州令劉臺並其家口時亡命司馬黑石廬江叛吏夏侯方進在西陽五水煽動羣蠻十月太祖遣太子步兵校尉沈慶之率荆江雍豫諸州軍討之使武陵王駿總統眾軍三十年正月武陵王出次西陽之伍洲慶之自巴水至洲諮受軍略柳元景率所

部進西陽會伐五水蠻世祖初元西陽蠻田益之等起義攻
郢州及末年遣沈慶之討西陽蠻大剋獲而還宋書

案赤亭水即舉水水經注舉水經赤亭下又分爲二水南
流注於江謂之舉口南對舉洲

二十九年新蔡蠻二千餘人破大雷戍略公私船悉引入湖宋書
案新蔡故城在黃梅西

孝建元年臧質反兵敗走至潯陽載妓妾西奔使所寵何文敬
領兵居前至西陽西陽太守魯方平質之黨也至是誑文敬
文敬棄衆走六月戊辰質走武昌爲人所斬傳首京師宋書臧質傳

元徽元年桂陽王休範謀襲晉熙王燮沈攸之討平之初休範

典籤新蔡有異志收勇士繕器械朝廷陰爲之備夏口居潯
陽上遊使燮鎮之復恐其過潯陽爲休範劫畱使自太子泐
徑去休範謀襲之建康二年夏五月率衆二萬騎五百發潯
陽沈攸之舉兵討之休範畱中兵參軍毛惠連等守潯陽惠
連等開門降資治通鑑

昇明二年沈攸之反圍郢州遣其將公孫方平據西陽以劉懷
珍持節督豫司二州郢州之西陽軍事遣建甯太守張謨遊
擊將軍裴仲穆帥蠻漢軍萬人出西陽破方平軍數千人收
其器甲陳書劉懷珍傳

齊

中興元年長史王茂太守曹景宗圍郢州東昏侯遣甯朔將軍

吳子陽軍主光子衿等十三軍救郢州進據巴口西臺諸將欲分兵以襲西陽武昌高祖曰西陽武昌取便得耳得便應守守兩城不滅萬人糧儲稱是卒無所出脫賊軍有萬人攻一城兩城勢不得相救若我分軍應援則首尾俱弱如其不遣孤城必陷一城既沒諸城相次土崩天下大事去矣若郢州既拔西陽武昌自然風靡何遠分兵散眾自貽其憂及郢州下兩郡俱降

梁書武帝本紀

二年遣軍主吳子陽率眾取三關魏東豫州刺史田益宗遣光城太守梅興之率步騎四千進至陰山關南八十餘里據長風城逆擊子陽斬獲千餘級梁建甯太守黃天賜築城赤亭復遣其將黃公賞屯於淝城與長風相持益宗使安蠻太守

梅景秀為之犄角擊破天賜獲其二城

魏書田益宗傳

梁

天監二年魏長風戍主奇道顯取梁陰山白稟二戍
三年遣豫州刺史馬仙琕承陽戍主陳可等率眾一萬於三關南六十里因山起石名為竹墩遣輔國將軍濟陰太守薊沛以精兵二千戍之後於關南四十里麻陽舊柵起城仙琕輕騎東西為之節度關南之民多懷觀望魏郢州刺史司馬悅令西關統軍諸靈鳳掩擊敗之盡燔其城樓儲蓄擒薊沛及其軍主劉靈秀

魏書司馬悅傳

普通八年夏侯夔自西陽武昌二郡太守遷司州刺史帥壯武將軍裴之禮直閣將軍任思祖出義陽道攻平靖穆陵陰山

三關克之 梁書夏侯夔傳

太清二年侯景遣兄子思穆據守齊安西陽太守周良率驍勇襲破思穆擒斬之時良據武昌西陽二郡招聚卒徒甲兵甚盛與甯州長史徐文盛擊任約於樊山 陳書周良傳

大寶元年 太清四年 九月侯景將任約進寇西陽武昌世祖遣左衛將軍徐文盛等下武昌拒約文盛入貝磯任約率水軍逆戰

文盛大破之斬其儀同叱羅子通傳首江陵仍進軍大舉口十二月世祖又遣護軍將軍尹悅巴州刺史王珣西荊州刺史杜幼安帥眾助文盛別攻武昌拔之約退保西陽文盛進據蘆洲二年正月任約告急於景三月景率眾二萬西上援約四月次西陽渡蘆洲上流以壓文盛等文盛不敢戰杜幼

安宋遼等率所領獨進與景戰大破之獲其舟艦以歸世祖以王僧辯代文盛率巴州刺史涪于量定州刺史杜龕等俱赴西陽會景襲陷郢僧辯留巴陵景軍圍之世祖遣平北將軍胡僧祐率兵二千赴援至楊浦景遣任約率銳兵五千據白塔遙以待之僧祐由別路西上約急追之及於南安辛口僧祐潛引卻至赤沙亭會信州刺史陸法和至并軍擊約大破之擒約送江陵景聞之遁 梁簡文帝元帝本紀徐文盛杜幼安侯景傳 秋七月侯景將于慶自鄱陽還豫章侯瑱閉門拒之慶走江州據郭默城八月王僧辯前軍襲之慶棄城走 通鑑

歸之悉達分給糧廩全活甚眾使其弟廣達將兵從王僧辯將兵討侯景景平以悉達為刺史

通鑑

陳

永定三年北齊入寇五月魯悉達部將梅天養等引齊軍入城

胡三省注悉達據新蔡城

悉達麾下數千人濟江自歸

通鑑

大建五年西陽太守周炆隨吳明徹北討所向克捷齊遣尙書左丞陸騫以眾二萬出自巴蘄與炆相遇炆畱羸弱輜重設疑兵以當之身率精銳由閒道邀其後大敗騫軍虜獲器械馬驢不可勝數進攻巴州克之於是江北諸城並誅渠帥以城降進炆散騎常侍追炆入朝初蕭詧定州刺史田龍升以城降陳以為鎮遠將軍定州刺史封赤亭王及炆入朝龍升

以江北六州七鎮叛入於齊齊遣歷陽王高景安帥師應之於是令炆為江北道大都督總統眾軍以討龍升龍升使弋陽太守田龍琰帥眾二萬陣於亭川高景安營於木陵陰山為其聲援龍升引軍別營山谷炆乃分兵各當其軍身率驍勇先擊龍升龍升大敗龍琰望塵而奔並追斬之高景安遂走盡復江北之地

陳書周炆傳

隋

開皇九年以周法尙為黃州總管上降密詔使經略江南伺候動靜及伐陳之役以行軍總管隸秦孝王率舟師三萬出樊口陳城州刺史熊門起出師拒戰擊破之擒起於陣

隋書周法尙傳

是年正月蘄州總管王世積以舟師出九江破陳將紀填於

靳口於是移書告諭遣千金公權始璋略取新蔡據其城世積繼至陳齊昌太守黃正始等詣世積降隋書王世積傳

唐

興元元年李希烈反淮南沂江徇地節度使曹王皋討之遣將伊慎為先鋒與賊夾江陣賊柵蔡山不可拔皋聲言西取蘄州引兵艦循厓沂江上賊聞以羸卒保柵悉軍行江北與皋並西去蔡山三百里皋遣步士悉登舟順流下攻蔡山拔之閒一日賊救至復敗之遂下蘄州平黃州兵益振天子在梁州包信轉東南財糧次蘄口賊遣驍將杜少誠以兵萬人逼江道不得西慎選士七千列三屯偃旗以待少誠分圍之未合慎自中屯鼓之諸屯悉出奮擊賊亂少誠走斬別將許少

華漕無畱難拜慎為安黃節度使貞元末詔安黃為奉義軍

即為奉義節度使唐書曹王皋及伊慎傳

乾符三年裴偓為蘄州刺史王鐸知貢舉時所擢進士王鐸在賊中為賊王仙芝以書說偓偓與仙芝約斂兵不戰許為之奏官錄亦說仙芝許以如約偓乃開城延仙芝及黃巢輩三十餘人入城置酒大陳貨賄以贈之表陳其狀諸宰相多言先帝不赦龐勛暮年卒誅之今仙芝小非龐勛之比赦罪除官益長姦宄王鐸固請許之乃以仙芝為左神策軍押牙兼監察御史遣中使以告即蘄州授之仙芝得之甚喜鐸偓皆賀未退黃巢以官不及己大怒曰始者共立大誓橫行天下今獨取官赴左軍使此五千餘眾安所歸乎因毆仙芝傷首

其眾喧譟不已仙芝畏眾怒遂不受命大掠蘄州城中之人半驅半殺焚其廬舍僇奔鄂州勅使奔襄州繇爲縣所拘賊分其軍三千餘人從仙芝及尙長君二千餘人從巢各分道而去通鑑

四年十月黃巢寇掠蘄春招討使曾元裕擊破之斬首四千級巢遁去通鑑時蘄春邑人魏英密遣其子元術通高駢及蘄黃招討使劉巨容合兵躡之故有功王志

五年招討副使曾元裕破斬王仙芝於黃梅通鑑

中和中越州刺史路審中爲董昌所拒走客黃州及鄂州刺史崔紹卒審中募士三千人入鄂州以守光啟二年安陸賊周通率兵攻審中審中亡去時杜洪據岳州乘虛入鄂自爲節

度畱後永興民吳討據黃州洪自將擊之乞師淮南楊行密遣朱延壽助洪引還延壽拔黃州俘討獻京師並拔蘄光

州以瞿章守黃州十國春秋

光啟三年十二月上蔡賊帥馮敬章陷蘄州通鑑

文德三年夏五月蘄州刺史馮敬章叛附於楊行密淮南將朱延壽奄至蘄州圍其城大將賈公鐸方獵不得還伏兵林中命勇士二人衣羊皮夜入延壽所掠羊羣潛入城約夜半開門舉火爲應復衣羊皮反命公鐸如期至城南門中火舉力戰突圍入延壽驚曰吾常恐其潰圍而出反潰圍而入如此城安可猝拔乃白楊行密求軍中與公鐸有舊者持誓書金帛往說之許以昏壽州團練使柴再用請行臨城與語爲陳

利害數日公鐸及刺史馮敬章請降以敬章為左都押牙公鐸為右監門衛將軍

通鑑

乾甯四年夏四月朱全忠將朱友恭攻黃州吳遣右黑雲都指揮使馬珣等救之以樓船精兵助刺史瞿章守黃州瞿章聞友恭至棄城擁眾南保武昌寨五月友恭為浮梁於樊港進攻武昌寨拔之遂陷黃州瞿章死之馬珣收散卒三百自黃州閒道走

十國春秋

後梁

乾化四年楚岳州都指揮使王環襲吳黃州夜分南風暴起乘風趨黃州以繩登城徑奔州署執吳刺史馬鄴展旗鳴鼓揚帆過鄂而歸

十國春秋

南唐

昇元間後晉天福蘄州獨木人諸祐以妖術惑眾聚數百人夜行晝息能潛取人財物進士陳起嘗僑居蘄春悉其狀後授黃梅令籍祐為里長不服起怒會周鄰為巡撫使師次黃梅起藉其兵執祐並其妻子斬之

黃梅志

後周

顯德二年周主自將攻唐淮南蘄州裨將李福殺其刺史王承

雋降周

五代史南唐世家

三年周遣齊藏珍攻唐黃州未下命司超遙領刺史唐將朱元等復取舒和蘄州初唐人以茶鹽強民而徵其粟帛謂之轉徵又興營田於淮南民甚苦之及周師至民奉牛酒迎勞而

將相不之恤專事俘掠民皆失望相聚山澤操農器為兵積紙為甲時人謂之白甲兵周兵討之屢為所敗所得諸州復為唐有

綱目

五年世宗復臨淮旬連下濠泗二郡是年正月拔楚州將議濟江李景自謂亡在旦夕遣其臣陳覺奉表陳情時江北諸州惟廬舒蘄黃四郡未下世宗因謂覺曰若能以江北之地盡歸於我則朕亦不窮兵黷武景即以四郡來上乞畫江為界世宗許之

舊五代史李景傳

宋

建炎初賊閻瑾犯黃州縱掠而去鄂州通守趙令成渡江存撫之黃人乃安

宋史趙令成傳

元年十二月真定府張遇聚眾為盜號一窩蜂至是犯黃州知黃州趙令成出城見之張遇飲以酒一舉而盡曰固知飲此必死願勿殺軍民遇驚曰先以此試公耳更取毒酒沃地地裂有聲乃引眾去未幾丁進李成兵迭至令成俱擊卻之

宋史

趙令成傳

二年正月東平府兵馬鈐轄孔彥舟反引兵渡淮圍黃州守臣

趙令成率兵民固守拒之凡六日乃解

宋史高宗紀趙令成傳

三年金人犯黃州守臣趙令成以內艱去詔起復已還在道郡卒得金人木箭鑿箭浮江告急令成疾趨夜半入城金人力攻翼日城陷金人欲降之大罵不屈金人怒鞭之流血被面罵不絕口而死事聞贈徽猷閣待制謚忠愍時城破都監王

遠判官吳源巡檢劉卓皆不屈死焉宋史趙令歲傳是年十一月淮

賊劉忠犯黃州斬黃都巡檢使韓世清與戰破之陳邦瞻宋史紀事本末

四年李成復叛遣其副都統馬進自黃州渡江由大冶縣犯興

國軍李心傳建炎以來繫年要錄

紹興元年正月以張俊為江淮招討使岳飛副之三月大敗李

成於樓子莊復筠州江州五月俊引兵渡江至黃梅縣親與

李成戰成據石幢坡馮山以木石投人俊先遣遊卒進退若

爭險狀以誑賊俊親冒矢石率眾攻險賊眾數萬俱潰成敗

走奔劉豫飛招其黨張用降之江淮平宋史張俊傳袁了凡綱鑑補

十一年二月越岳飛會兵斬黃宋史高宗紀

乾道閒江湖大旱流民北渡江宰相虞允文白遣薛季宣行淮

西收民實邊季宣為表廢田相原隰立二十二莊於黃州故

治東並邊民歸來者振業之嘗語人曰吾非為今日利也黃

州地值淮蔡衝諸莊輯西道有屏蔽矣宋史薛季宣傳

嘉定十二年金人寇淮西遂自光州犯麻城知楚州賈涉使李

全救卻之宋史賈涉傳

十四年金將僕散安貞出息州奪洪門山柵統制黃某團兵五

千保黃土關堅壁不出安貞遣輕兵分為左右軍潛登別以

兵三千直逼關門翼日左右軍會於山巔俯瞰關內守關者

望之駭愕不能立中軍急攻奪黃土關遂入梅林關拔麻城

縣抵大江至黃州克之金史僕散安貞傳是年三月金人圍蘄州前

後二十有五守倅眾官晝夜環甲登城竭盡心力是日午
後忽大雨火牛被雨不得然至二更風復不順敵用火礮石
礮攻城兵民無容足地遂以雲梯登城大肆殺戮知州李誠
之等至新寨調西門統制縣中小將江士望等努力巷戰須
臾寨內火起敵兵追至南門外江士望被殺誠之及通判秦
鉅等遇賊於子城之十字街各以自隨之兵冒死鬪死傷略
盡誠之度不能走奔回署內呼家屬令速赴水死遂引劍自
刎

趙與交
泣斬錄

端平二年以孟珙知光州兼知黃州三年珙至黃增障浚隍蒐
討軍實邊民來歸者日以千數為屋三萬閒居之厚加賑貸
又慮兵民雜處因高阜為齊安鎮淮二砦以居諸軍創張家

山母家山兩堡為先鋒虎翼飛虎營兼主管內安撫司公事
節制黃蘄光信陽四郡軍馬元兵攻蘄州珙遣兵解其圍

宋史
孟珙
傳

嘉熙元年授孟珙鄂州諸軍都統制元將口溫不花入淮旬蘄
守張可泰委郡去元將張柔取光州遂進趨黃州破三山寨
至大湖中得戰艦沿江接戰壁於黃州西北隅有乘舟出者
柔曰此偵伺我隙者也夜必襲吾不備乃分軍為三以待之
二鼓時宋師果至柔遮擊之俘數百人攻其東門矢如雨注
軍少卻柔率死士十餘奮戈大呼所向仆踣執俘而還及珙
入城軍民喜曰吾父來矣駐帳城樓指畫戰守全其城斬逗
畱者四十九人以徇諸將士彌月苦戰病傷者相屬珙遣醫

視療士皆感泣

宋史孟珙傳
元史張柔傳

淳祐四年命分兵三千備齊安孟珙言黃州與壽昌三江口隔一水耳須兵即渡何必預遣先一日則有一日之費無益有損萬一上游有警我兵已疲非計之得也

孟珙傳

開慶元年八月元世祖忽必烈入大勝關次黃陂得宋沿江制置司榜有云今夏謀者聞北兵會議取黃陂民船繫杙出陽邏堡以渡會於鄂州世祖曰此事前所未有願如其言辛丑晦師次江北元將董文炳下臺山寨師次陽邏堡宋兵築堡於岸陳船江中軍容甚盛文炳請於世祖曰長江天險宋所恃以為國勢必死守不奪其氣不可臣請嘗之即與敢死士數百人當其前率弟文用文忠載艨艟鼓櫂趨進呼叫畢奮

鋒既交文炳麾眾趨岸搏之宋師大敗輕舟報捷時世祖方駐香鑪峯因策馬下山問戰勝狀世祖扶鞍起立豎鞭仰指曰天也時張柔至虎頭關與宋兵遇於沙窩柔子宏彥擊破之進與守兵戰敗之遂渡江圍鄂州會憲宗崩乃班師還

元世祖本紀董文炳傳張柔傳

景定元年宋宣撫大使賈似道奏與元兵大戰蕪草坪進至黃州時元大帥兀良哈解率湖南兵北歸守將張傑作浮梁於新生磯賈似道自鄂趨黃與元軍相遇用劉整計攻斷浮梁殺殿兵百七十人遂上表言夏貴等戰新生洲進至白虎磯

躬自督戰有功

宋史理宗紀賈似道傳元史世祖紀

二年元中統元命鄂州青石磯許黃灘所招新民遷至江北者

兵事

十五

設官領之元史世祖紀

咸淳二年元至元元阿朮略地斬黃俘獲以萬計元世祖紀

十年元將伯顏既克襄陽兵至漢口淮西制置使夏貴等以戰艦萬艘分據要害都統制王達守陽邏堡十二月伯顏集戰艘以萬計並屯布蒙古漢軍數十萬於江北遂修攻具進軍陽邏堡遣人招達達及將士皆曰我輩受宋厚恩戮力死戰此其時也安有叛逆歸降之理備吾甲兵決之今日我宋天下猶賭博孤注輸贏在此一擲耳伯顏揮諸將攻之三日不克乃謀於阿朮彼謂我必拔此堡方能渡江此堡甚堅攻之徒勞夜以鐵騎三千渡江襲南岸分遣右丞阿里海牙督萬戶張洪範忽失海牙析的迷失等先以步騎攻陽邏堡夏貴

來援阿朮敗都統制程鵬飛於中流遂得南岸阿里海牙繼遣張崇實解汝楫等四翼軍舳艫相銜直抵夏貴軍伯顏揮諸將急攻陽邏堡王達死之軍大潰數十萬眾死傷幾盡夏貴僅以身免走至白虎磯諸將請追之伯顏曰吾欲遣使前告宋人而貴走代吾使不必追也伯顏登武磯山大江南北皆元軍也諸將議所向或欲先取蘄黃阿朮曰若赴下流退無所據先取鄂漢雖遲旬日可為萬全計伯顏從之既克鄂州十一年正月朔阿朮師至黃州沿江制置副使知黃州陳奕降伯顏遣呂文煥陳奕以書招蘄州安撫使管景模復遣阿朮以舟師造其城下癸未伯顏至蘄州景模亦降元史伯顏傳阿朮

傳

景炎三年淮西義士野人原寨主劉源司空山寨民傅高淮人

張德興起兵應文天祥復黃州未數月元將襲破司空山殺

張德興及傅高黃州復陷文文山集 蕪州志

元

太宗九年冬命萬戶張柔等攻蕪州略地至黃州元史太宗紀

定宗元年命萬戶史權等攻虎頭關拔之進圍黃州元定宗紀

至元十三年興國軍毛遇順等作亂權軍事陳天祥撫之及天

祥去復變大江南北多殺守將以應宜慰使鄭鼎臣帥兵討

之至樊口兵敗死之遇順遂聲言攻陽邏堡鄂州大震天祥

言於參政賈居正曰陽邏堡依山為壘素有守備彼若來攻

我之利也且南人浮躁輕進易退官軍憑高據險而逼之烏

合之眾與之相遇不二三日死傷必多逃遁者十八九我出

精兵擊之惟疾走者乃得脫乘此一勝大勢已定然後取黃

州壽昌如摧枯拉朽耳居正然之聞遇順等至陽邏堡乃引

兵宿於青山明日大敗其眾皆如天祥所料擒其長斬於鄂

州市遣諭其徒歸里元史陳天祥傳

十四年黃州復叛命宣武將軍管軍總管齊秉節討之斬余總

轄於陣元史齊秉節傳

至正十一年羅田徐壽輝兵起壽輝又名貞一業販布袁州僧

彭瑩玉以妖術與麻城鄒普勝聚眾為亂用紅巾為號奇壽

輝狀貌推為主九月陷蕪水及黃州路敗威順王寬徹不花

遂即蕪水為都稱皇帝國號天完建元治平以普勝為太師

倪文俊爲丞相明年江浙平章政事卜顏帖木兒等討壽輝於蘄水破之壽輝走免獲其官屬四百餘人已而復熾遷都漢陽爲其丞相倪文俊所制十七年文俊謀弑壽輝不克奔黃州陳友諒隸文俊麾下數有功爲領兵元帥遂乘覺殺文

俊明史徐壽輝傳

至正二十一年陳友諒陷蘄黃諸郡八月明太祖遣廖永忠取

江州友諒奔武昌進拔蘄州興國黃梅廣濟黃梅志

明

宏治八年河南固始賊董宦盤據山谷僭稱王寇麻城羅田等

處麻城志

正德四年麻城土賊據仙姑洞大肆虜掠麻城志

七年三月河北賊趙鏐劉惠別部賈勉兒寇羅田官軍擊敗之

鏐雉髮爲僧逃至江夏縣飯村店獲之送京師伏誅五月賊

劉六劉七自河南取道麻城至團風奪舟入江殺都御史馬

炳然登陸焚漢口爲官軍所敗劉六中流矢赴水死劉七等

乘舟遁自黃州順流抵鎮江至通州颶風大作棄舟走保狼

山官軍蹙之劉七亦赴水死賊悉平黃岡志

嘉靖二年麻城土賊胡廷鳳據西山每至秋寇岐亭提學副使

許宗魯撫諭之乃退遂城岐亭立捕盜通判署並鐵壁關巡

檢司麻城志

十八年十一月羅田盜張友讓殺多雲鎮巡檢許昂友讓羅田

人與弟友勇友忠等同六安人楊道富聚衆千餘人劫掠鄉

里縣令祝翊設計捕獲友讓及其餘黨惟友忠遁走六安州
九龍灣與丁堯山等復收餘黨出沒六關為害尤熾翊捕堯
山令許昂擣賊巢賊方大吉等從徑路突出昂被殺巡撫陸
杰委通判同翊領兵討平之

羅田志

萬曆十六年戊子蕲黃大饑黃梅賊劉少溪余孟新等倡亂焚
掠鄉村時兵戎久弛人心搖動知州徐希明設法防禦州判
陳策死之事聞上命湖廣巡撫南京操江御史合勦三月會
兵蕲州凡九閱月討平之

府縣志白茅堂集

崇禎七年流賊始渡河寇江北地方九月豫賊東至於蕲水大
隊入黃州廣濟

蕲水志

八年正月有賊數萬寇黃安焚殺甚慘二月流賊掠麻城敗官

軍於陰山阪雷馬二將軍死之自是蹂躪地方往來如織然
未嘗攻城止肆野掠各鄉依山結寨相保聚官軍坐視不援
是月流賊羅汝才闖塌天等陷羅田知縣梁志仁死之梁志
仁南京人保定侯銘之裔也萬曆末舉於鄉崇禎六年調羅
田知縣賊大擾湖廣志仁日月微備羅汝才曰羅小易攻然
梁君長者吾不忍加兵俟其去當取之會邑豪江猶龍與賊
通志仁捕下獄猶龍知必死潛導汝才別校來攻志仁急偕
典史單思仁教諭吳鳳來訓導盧大受督民守禦城陷志仁
持長矛巷戰殺六賊力屈被執抑使跪罵曰我天子命官肯
屈膝賊輩耶賊怒碎其肢體焚之妻唐被逼大罵奪賊刀不
得口齧賊手遂遇害思仁等亦不屈死汝才在英山聞之馳

至羅田斬其別校曰奈何擅殺長者以錦繡斂其夫婦屍明史

忠義傳六月知縣白乃忠任羅田縣事繕守備十二月流賊復

從蕪水至乃忠同主簿周有德救援都司李懋功與賊戰於

東門外殺賊二十餘人奪馬數匹賊始遁九月寇廣濟敗鎮

軍大肆焚掠知縣黃宏會走匿是年三月湖廣賊陷麻城

蕪黃大盜爬天王擁眾八百餘人村民擒之通志

十年正月總兵秦翼民逐賊於麻城黃岡閒敗之麻城志二月流

賊復寇羅田白乃忠統鄉兵禦於北峯河斬賊首五林冲坐

山虎火礮殺賊三十餘人會天大雨礮不能施賊分路圍之

殺鄉兵五十餘人四月賊盤踞多雲寨乃忠於黑夜乘其不

備攻破之生擒賊十三人獲馬十七匹賊遁走時經略熊文

燦總兵左良玉招撫張獻忠一丈青等賊於蕪州荆藩為之

置宴良玉初不主撫議後果有穀城之叛通志

十三年流賊由河南詐稱官兵晝夜兼行襲陷羅田焚燬房舍

殺虜殆盡羅田志

十四年革里眼左金玉五營聞張獻忠東來走麻城以勾之湖

廣巡撫宋一鶴渡江進兵屯蕪州擒賊謀焚舟斷渡明史紀事本末

七月督師丁啟睿大破賊於麻城斬首千二百級賊解圍去

通志

十五年七月賊革里眼率眾萬餘襲黃安破之十二月賊張獻

忠陷黃梅旋陷廣濟黃安黃梅廣濟志

十六年正月革里眼復入黃安二十六日張獻忠以二百人雪

夜襲蘄州遂於三月初五日陷蘄水二十四日破黃州城內
外官民房舍盡燬凡所破城皆驅婦女剗城尋殺之以填塹
麻城人湯志者大姓奴也殺諸生六十人以城降賊五月破
省城稱王設官至七月始拔營入蜀

明史流賊傳

國朝

順治二年三月左良玉以誅馬士英阮大鍼為名自武昌順流
東下舳艫相屬五百里其兩岸民居所過成赤土居人竄匿
太白湖中閶闔為虛江干數百里灌莽長隄馬踏成阬塹

鴻洲記

三年東山土賊圍黃州初明末賊亂郡城殘破居民入山避亂
者多據險結寨以防剽掠合黃岡蘄水羅田麻城共四十八

寨在黃岡者王光叔易名甫楊維尙等各據一寨英王大兵
在九江傳檄諭之不下副將線維錡破之光叔就擒名甫自
歸維尙來降其黨陳於藻王接骨等逃匿不獲至是復煽亂
圍郡城副將唐國臣固守把總鄧克剛自蘄水赴援賊眾敗
潰黃州解嚴時以小李之亂鄧陽用兵巡撫檄調黃協兵往
援千總田龍見素有異志鄧克剛亦以前功未賞懷怨望領
兵同赴省行至葉家洲遂激眾叛百總宋鳳謁巡撫告變遣
兵來黃誅反者比至龍見克剛已走東山與陳於藻等合永
甯還和慕義等鄉被害尤甚巡撫復遣兵會維錡往征明年
秋克之克剛不知所終於藻仍逃匿不獲

黃岡志

五年三月九江寇水陸並進至蘄州城南參將韓友出兵擊敗

之麻城志麻城人周承謨倡亂連延東南英霍等縣知縣徐鼎

臣請兵討平之麻城志

六年二月蘄州上鄉土賊倡亂韓友領兵擊之其黨悉平蘄州志

十年東山李有實等倡亂攻黃州諸堡同知白秉正招撫之遂

於石人寨設立千總領兵駐防尋罷麻城志

康熙十二年十月江右賊出鄱陽陷湖口等縣知府于成龍令

守備黑子駐黃梅之清江鎮伺賊艘至段姚市擊敗之白茅堂集

十三年麻城東山劉青藜倡言官激民變程鎮邦鮑洪功陳恢

恢李子茂等附之先是妖人黃金龍亡匿青藜家潛結河南

賊渠譚以從等私立名號約以七月為亂事覺青藜恐遂於

五月擁眾數千掠曹家河黃州守將王宗臣率所部兵駐興

福寺麻城知縣屈振奇率鄉勇駐白杲進討之劉君孚者青

藜之從父素黠者也夜遣七旗砍黃軍鄉勇潰賊勢益張知

府于成龍聞警自陽邏兼程進諭散其黨因以二人從徑抵

君孚營示以至誠君孚素知成龍威信遂率眾三百人獻傾

心向化旗又招洪功恢恢子茂等獻安家樂業旗以降於是

程鎮邦出山乞撫盡降其眾金龍遁黃麻解嚴秋七月黃金

龍鄒君升復聚麻城之紙棚河脅良助亂李家集賊方公孝

等附之知府于成龍同知佟養俊麻城知縣屈振奇黃岡知

縣李經政次岐亭徵鄉勇三千人進討至望花山武舉陶之

琇貢生彭喆諸人及麻城紳士從之舊宦程鎮邦獻地圖成

龍乃令生員劉青藜武童董錫董天祿拒寒坡岔唐殿袁興

黃州府志卷之十
明何見子等拒塔兒岡劉以廷同伯人等拒腦中山生員林
斗文鄉保羅甸臣截其糧路夏仲昆余公俊以鄉兵伏布袋
坳大崎山僧貫識伺賊於山後龍王墩區長王方遠等守賊
出入隘口貢生吳晉爵生員戴宗禮程士極蔡作楫助軍糧
於是生員吳之鄒貢生龔相旦領眾進勦駐鄒家河賊聞風
夜遁追及油河王方遠獲方公孝斬之夏仲昆等生擒鄒君
升於項家廟斬首四十餘級士民四面攻擊殺賊無算黃金
龍二十人夜走馬鞍山伏兵起盡擒之斬其首餘黨撫定凡
六日亂平冬十月麻城東山李公茂陳頓徹鮑世榮擁眾數
千據白水畝陳鼎業合逃兵由陽邏掠驛馬何士榮自承甯
鄉應之賊勢大熾先是士榮與其兄士勝從吳逆士勝死士

榮潛歸脅良爲亂鄉約熊爾忠上其變時鎮兵隨大軍征湖
南議者欲退守麻城知府于成龍力持不可計先取士榮餘
賊自潰謀知士榮據黃土坳乃遣諸生張本恕等徵集鄉勇
分守山隘別遣知縣李經政同生員楊瓊枝陶大定密擒鼎
業父子陽邏平十一月成龍率諸生二十二人次但店黃協
千總李茂昇把總羅登雲吳之蘭百總涂魁凡杜保以所部
五十人來會各區鄉勇至者二千人乃遣武舉張尙聖及登
雲以偏師出黃岡廟茂昇之蘭鎮邦驛丞李德等大隊進發
下春鄉勇五千大集營泊金砦下八日黎明士榮率賊數萬
人自牧馬巖分兩路來攻成龍令弁士各率其屬戰於黃土
坳之蘭中鎗死茂昇陷陣射賊旗墜馳之馬斃遂徒步殺二

人奪馬進戰李德揮鐵棍從之是時登雲尙聖自石山東路追賊越崇嶺數重眾軍齊合大敗之生擒四十八人殺死無算士榮挾矛走左臂斷猶力戰陷泥中獲之餘黨解散乘勝抵呂王城白水畝至甌山河駐定慧寺時周鐵爪萬野于及公茂世榮頓徹據麻城之石壁賊眾數百人將入什子砦官兵進戰獲野于公茂於是生員朱愷生擒周鐵爪劉青黎生擒世榮頓徹賊平東山悉定

于清端
公政書

二十七年五月二十二日督標裁兵夏逢龍叛陷省城旋陷漢陽府及黃陂縣六月朔日賊舟蔽江下寇黃州時江水泛漲礮聲聞數十里終日不絕黃州副總兵阮述守北城捍禦兵卒多與賊通俄見清源一字兩門皆豎白旗述不能制棄城

走保蘄水知府蘇良嗣時在省署按察司篆知縣汪灝先期攜印遁賊入城從賊者割髮辮為識借賊勢抄掠富室搜求騾馬近城數十里多被其害賊據城兩月逢龍在金口為提督徐治都所敗逃還省城偽總兵胡耀乾閉城不納先是黃岡諸生陳玉謝素與逢龍善以事繫省獄及逢龍叛釋於獄贈以金送之歸曰事不成以子山中為歸路及敗逃至玉謝家八月鎮武將軍瓦岱督滿洲兵討賊至黃州賊將迎降玉謝率鄉人縛逢龍至軍門磔於城東五里墩黃州平及大兵至省城賊開門迎降諸府縣悉平

通志

嘉慶二年教匪齊王氏姚之富等焚仙花鎮逼近黃安界黃安監生熊之炅集鄉勇禦之相持三日賊不得進適大雨賊自

土脊嶺蜂擁至焚熊家河村落殆盡之屍陣亡賊乘勢南掠圖竄麻城界河水暴漲不能渡旋撲黃安城知縣王承銓典史鄭以仁偕紳民雨夜登陴賊知有備又提督慶成大兵躡其後遂竄羊角會橫城岔而去餘黨百餘人擾華家河等處鄉勇勦捕無存者亂乃平

黃安志

咸豐二年十二月十一日髮逆陷黃州先是道光三十年逆首洪秀全楊秀清等起廣西桂平縣是歲由廣西竄湖南十一月自岳州下竄十二日陷漢陽十二月四日陷省城至是陷黃州焚掠而去兩江總督陸建瀛江西巡撫張芾調兵守武穴老鼠峽

三年正月提督向榮克復省城賊船駛陽邏擾黃州向榮遣兵

擊之賊敗走趨金陵三月廣濟匪徒宋觀佑張東銘等因糧滋事署黃州知府岐亭同知邵綸署廣濟縣黃梅知縣鮑開運往撫被戕團風巡檢蔡文熙把總魯光貴等均遇害湖北按察使江忠源討平之

上諭以道士泆黃石港等處險要宜設防署湖廣總督張亮基親勘地勢以道士泆之對岸散花洲江面遼闊難以控制黃石港無險可扼乃擇於田家鎮安筏設礮飭糧道徐豐玉漢黃德道張汝瀛督師防堵七月分竄河南之賊由仙花鎮竄黃安麻城羅田前藩司唐樹義敗之竄岐亭沿河掠取竹籬將由鶩公頸出江都司董玉龍同知伍惺張曜孫伏兵殲之殆盡都司許連城擊賊馬鞍山敗之九月攻江西之賊經江忠源

擊退竄武穴犯田家鎮總兵楊昌泗及徐豐玉張汝瀛連擊
敗之江忠源由瑞昌趨至按行營壘時官兵皆駐北岸而南
岸之半壁山峻峭橫江天險也我兵不及駐營爲賊所得設
壘數座與我軍夾江相持十二日忠源方議添兵於南岸之
沙村忽東南風大作賊揚帆直上兵單部署不及倉卒迎敵
忠源竟夜立巨筏上指揮督戰次日黎明風愈勁賊蜂擁上
陸路賊亦麇至鏖戰多時官軍大潰徐豐玉張汝瀛許連城
死之荆門直隸州李塬候補知縣杜文浩千總魏開第把總
李成壽麾兵徑進均死之賊上竄陷黃州知府金雲門殉難
詔贈太僕寺卿諡果毅廣濟陷知縣陳肖儀亦殉難十一月賊船聚
巴河候補知府伍惺分兵四隊由黃州進誘賊登岸燒其船

七十餘隻斬溺無數田家鎮敗後經此一戰兵氣始揚十二
月總督吳文鎔出省討賊駐營堵城主事楊熙督川勇合勦

上命唐樹義帶水師來會爲水陸夾擊計

四年春正月吳文鎔軍覆於堵城時連日大雨雪諸軍凍餒有
死者賊繞道出大營後設伏林麓間連營火發兵勇大潰文
鎔死之初文鎔與同官議軍事或不合劾其安守省垣不肯
擊賊文鎔性剛介原與侍郎曾國藩籌商俟礮船齊備爲誓
師東下計及被劾誓以死報至是殉難士民哀之唐樹義率
礮船退金口被賊擊舟沈落水死三月賊竄麻城前知縣姚
國振時辦團防與司獄李克慎禦賊於宋埠陣亡署知縣韓
寶昌復督勇與賊戰於龍困橋勇敗死之四月賊自漢陽竄

黃州府志 卷之十一
黃安之南沙河團勇勦擊大敗之河南巡撫鄭敦謹上其功
上命湖廣總督台湧傳旨嘉獎六月賊由張店竄宋埠麻城紳民齊
團練賊聞之出境已復至七月總督楊需飭黃安知縣許賡
藻麻城知縣賀榮督勇規復各縣城楊需奏黃州爲江防要
地與武昌縣相對爲省城下游第一門戶黃州一失門戶洞
開省城不能安堵故將規復黃州責成許賡藻帶勇辦理閏
七月署黃州府知府許賡藻率勇勦賊淋山河焚賊巢穴擒
斬無數八月斬水知縣際亨會羅田舉人熊五緯督勇援斬
水熊五緯力戰死之九月黃安戶部主事彭宗達亦以援斬
陣亡是月許賡藻同黃岡縣知縣翁汝瀛勦賊淋山河又戰
於團風連敗之直抵黃州城賊望風潰追至江濱斬溺數百

遂復黃州是時侍郎曾國藩湖南提督塔齊布已復省城賊
下竄集蘄濟間就水爲柵以舟楫爲巢穴自巴河迄田家鎮
賊艘比櫛國藩定三路進兵之策以提督桂明爲北路攻蘄
州廣濟以塔齊布爲南路攻興國大冶中路國藩自將之以
參將楊載福同知彭玉麟爲前隊以道員李孟羣爲後隊旌
旂百里舳舻銜接順流而東九月二十一日次黃州二十三
日水師直抵蘄州舟賊放礮迎戰我軍奮擊焚其舟三十餘
隻賊大敗下竄田家鎮築城掘濠橫鐵鎖截江以木筏承之
安礮其上沈錨鉤於下悉力死守堅不可拔曾國藩塔齊布
議以田鎮險要在對岸半壁山遂督師先奪之十月十二日
楊載福彭玉麟羅澤南率哨官陳樹勳等分水師戰船爲四

隊凡洪鑪大斧椎剪之器皆備塔齊布提陸軍陣於江南十三日黎明水師循南岸下駛擊之斬斷鐵鎖斫其木筏奪礮械燒火藥燄烈水飛軍聲震天地賊大敗追殺三十里至武穴而還當水師之下擊也陸兵飛馳而東塔齊布率十餘舟鼓棹窮追夜三更抵龍坪次午乃返是役燒賊船四千餘艘焚溺死者數萬獲賊舟五百餘軍威大震時蘄州賊陳玉成曾鳳傳率眾來援楊昌泗魁玉擊敗之賊偵知田鎮巢破棄蘄州夜遁奏入

上嘉悅將帥弁勇分別賞卹有差十一月曾國藩進駐武穴偽檢點陳玉成率蘄州遁賊踞廣濟偽燕王秦曰綱收田家鎮敗賊踞黃梅偽冬官丞相羅大綱帶賊萬餘散布梅境各要隘勢

猖獗塔齊布羅澤南陸軍進勦殺賊千餘收復廣濟又勦賊於大河鋪大敗之直抵黃梅城周鳳山攻其西門羅澤南攻其北彭三元列陣橋西以待賊營柵排列礮箭齊施塔齊布督兵仰攻更番疊進李續賓逼木柵斬賊目一火其柵賊大潰遂復黃梅縣城羅澤南李續賓又勦賊於濯港斬溺千餘進軍孔隴驛環攻其壘悍賊拚死鬪官軍以肩爲梯摩壘齊入尤勇者卓矛於地一躍而登賊無遁處赴水死者以千數斬首二千餘級灰其市他賊踞小池口者聞風遁去是月羅田縣知縣彭仲芳率羅田團勇復英山縣城安徽道員何桂珍與仲芳會勦太湖不克回駐樂利河英山復陷

五年春正月朔總督楊需軍潰於廣濟退走德安賊上竄黃州

黃州府志 卷之十一
復陷黃岡知縣翁汝瀛追賊於漢口死之舉人邱文暨紳勇
從死者甚衆何桂珍同斬水知縣劉縻克復蕪水城二月羅
田勇再復英山城彭仲芳勦賊中界河礮裂勇潰仲芳死之
羅人痛仲芳之死也大呼復進人人殊死戰斬偽官陳文柏
等千餘人時麻城勇禦賊淋山河失利千總程萬華陣亡三
月蕪州土匪周十三擾蕪水四月羅田勇斬賊首田金爵於
英山賊竄蕪水築土木城十餘座知縣劉縻督勇敗之是月
黃岡團勇隨知縣葛致遠敗賊於縣西頂子山五月又大敗
賊於降雨廟追至沙溝橋生擒偽指揮李義斬馘數千七月
羅田蕪水勇勦賊駱駝坳蕪水城守萬世清陣亡八月羅田
僧塔汎千總劉廷建勦賊蕪水陣亡羅田武生屈飛鵬郭映

萱與焉九月曾國藩奏言蕪黃英霍當皖楚之交萬山回互
匪黨最多幸羅田麻城黃安黃岡等縣紳民好義團練殺賊
著有成效道員何桂珍往來楚皖與紳耆信義相孚每遇匱
乏輦壺犒軍懇飭何桂珍督辦羅田英山麻城等屬團練
下是之十一月降擒李兆壽叛於英山何桂珍死之賊遂據蕪水寇
羅田燒駱駝坳街署羅田知縣彭惠疇督團勇追勦之

六年夏四月九江賊竄黃州進逼麻城爲麻勇敗走遂窟聚於
新洲木城土壘屹然抗命湖廣總督官文令黑龍江營總多
隆阿副都統都興阿護軍參領舒保率馬隊會勦遇賊柳子
港我兵陣於港西賊由東岸抗拒馬隊矢不虛發多隆阿身
受三矛浴血苦戰賊大敗黃陂勇陳朝俯燒其營軍功吳之

傑知賊欲歸三店伏兵叢莽間賊至奮擊生擒偽檢點指揮
數人遂毀三店賊壘乘夜抵新洲燒其糧艘數十隻追擊之
團風斬溺死者無算是月賊二千由英山竄羅田知府許廣
藻署羅田知縣彭應鯉擊於樂利河大敗之旋進克英山城
九江賊寇蘄州彭應鯉擊之嚴家坳殺賊千餘擒偽總制王
祥瑞又追之三望衝賊翻山遁黃岡勇隨知縣葛致遠擊賊
於柳林河淋山河等處賊屢敗遂退回黃州不出六月官兵
圍黃州先是沙口陸營獲賊諜知偽翼王石達開圖上竄多
隆阿督降弁范湖南率馬步兵集堵城禦之賊敗走知府許
廣藻知縣葛致遠以團勇勦賊毀黃州城外壘沿江礮船轟
擊子落如雨賊困守不下八月蘄州土匪吳菊兒英山土匪

王順生寇羅田爲羅勇所敗而髮賊竄踞新洲團風等處都
興阿分路進勦賊先期遁斬遺賊數百又追之回龍山九月
吳菊兒王順生踞英山羅勇勦之復其城楊載福率所部陳
樹勳等追賊至蘄州蘄州城內賊出援楊載福令陳金鼐登
岸誘敵周清元丁泗濱從下游乘虛奪城前後夾攻燹賊六
百平其壘三座直抵田家鎮燒其船八十餘艘十一月二十
四日官軍克復省城提督楊載福率水師清江面湖北巡撫
胡林翼分師三路戰於樊口進兵圍黃州殲賊二千餘毀水
壘四座遂復黃州載福進破巴河賊卡燬舟無數都興阿率
馬隊追勦沿途殲賊遂克蘄水城蘄州知州石介以羅勇三
千與官軍合勦遂復蘄州城都興阿復廣濟城十二月都興

阿多隆阿復黃梅城黃州平大兵進圖九江
七年春二月僞擣天侯陳玉成糾賊數萬擾黃梅知縣覃瀚元
以空城誘賊都興阿擊之殲賊四千餘奪馬騾數百匹以少
擊衆大獲全勝夏四月賊大集皖楚界彭應鯉領羅勇禦賊
樂利河安徽布政使李孟羣飭都司盧又熊赴羅會勦戰於
梁家灘斬馘五百賊痛創復集大隊來攻應鯉同羅紳廖新
姚敦禮等督勇禦之分四路鏖戰自辰至申賊大敗遂復英
山城斬水勇駐雞鳴河盧又熊以勇截河賊不敢進遂竄太
湖越數日糾大隊踞蘄州張家塆知縣李景湖由青石嶺進
彭應鯉盧又熊由獅子口進迭戰皆勝之時陳玉成更句結
皖捻擄飢民號稱十萬實得六七萬蜿蜒二蕪羅田梅濟開

聲勢聯絡氣燄熒熒五月胡林翼令都興阿擊黃梅巴揚阿
擊廣濟邢高魁舒保擊蘄州李孟羣擊羅田胡林翼親駐黃
州俄官軍戰於望天畝失利林翼激厲潰卒補製軍械意氣
不衰六月多隆阿鮑超擊賊廣濟戰於十里鋪敗之又敗之
意生寺又敗之官橋而童司牌賊踞險築壘互如常山蛇
繞壘以港李續賓都興阿揮官軍填溝毀壘進賊悉遁另股
竄黃岡胡林翼禦之駐傅家嶺會參將何紹彩敗賊馬鞍山
多隆阿鮑超敗賊黃蠟山都司宋美富以水師敗賊菩提壩
其孫家嘴之踞賊亦爲李續宜所敗前後數戰斬馘萬計賊
燄頓衰而參將鮑超督兵血戰累尸登壘受傷不卻功尤最
詔加總兵銜以示鼓勵是月總兵王國才與賊大戰於濯港死之七

月官軍敗賊馬家河草薙禽獮黃岡賊無存者胡林翼進駐
蘄水之月山時鄉村踞賊數萬乘我軍未定分隊撲營李續
宜唐訓方嚴陣禦敵舒保以馬隊佐之胡林翼步行督戰殺
賊七千有奇毀賊壘六十三座賊勢大蹙八月胡林翼率李
續宜唐訓方由二蘄直達濟梅節節搜勦勢如破竹小池口
者與九江對乃江皖入楚咽喉也賊據窟死守楊載福李續
賓等奮力奪之追奔百八十里斬殺殆盡湖北肅清

八年春正月髮賊結捻匪由光固竄楚舒保率馬隊駐羅麻以
防之二月守備梁洪勝敗賊於蘄州之黃泥畝唐訓方余際
昌敗賊於南陽河殺賊千餘斬僞倚天侯陳士棠三月賊竄
麻城游擊李曙堂禦之嚴家河不克遂陷麻城李續宜率所

部會舒保勦賊斬千餘生擒七百餘遂復麻城副將張文煥
都司謝國俊陣亡四月皖賊十餘萬分擾二蘄梅濟羅麻諸
縣陳玉城爲之魁另賊數千由商城陷黃安李續賓馳赴黃
安克之復縣城蘄州賊亦爲唐訓方所敗十月巡撫胡林翼
丁憂會李續賓殉難三河鎮連奪主將軍氣頓寒舒保李續
宜回駐黃州唐訓方駐陳德園阿達春駐小隘嶺余際昌駐
英蘄之界槐樹坳唐協和駐麻城副將李成謀率水師駐田
家鎮互壯聲援防賊竄武漢之路

上諭胡林翼援墨經從戎之義馳赴黃州調度林翼疏辭不許乃強
起黃人相慶於道

九年春二月胡林翼奏言臣於二月移駐上巴河竊念軍興九

年其失計每在偏城而壘一意攻堅士卒摧殘主將不覺及援賊大至轉以餘力乘虛如七年專力宿松而賊竄張家坊八年專力太湖而賊由商霍以陷麻城黃安前車良可鑒也臣查黃郡形如圓甌東爲黃梅與宿松太湖接壤東北爲蘄州蕪水北爲羅田西北則麻城黃安皆與霍英商固接壤皖楚要害應以黃州爲適中安慶廬州六安未復則黃州宜設重防且黃郡財賦繁重甲於通省官軍血戰兩載經營甫定得之甚難棄之可惜臣故專駐黃州以爲謀皖之計非分三路進剿必難成功

上躉之十二月胡林翼駐蘄州陳德圍旋進駐英山城

十一年春二月陳玉成窺官軍全力謀皖鄂省空虛乃句結捻

匪龔瞎子等十數萬直撲蘄水假官軍旗幟襲黃州知府周炳鑑方試士未及設防城遂陷武昌戒嚴又分隊竄羅田麻城黃安燒殺甚慘副將成大吉守松子關會羅紳蕭樾周占魁等督勇爲援斬賊三千級礮斃龔瞎子賊大敗知府梁作楫固守麻城舒保帶馬隊繞赴團風與黃州協副將書紳督團截賊防其上竄四月內閣侍讀學士賀壽慈奏言楚省團練得力以黃州府爲最黃州府以黃安羅田麻城黃岡爲最八年夏賊由九江上竄九年春賊由安徽上竄兩次犯黃均被截擊此次賊過黃屬屠戮甚慘蓋洩前此屢挫之忿請飭大吏激勸黃屬照舊團練前任黃岡縣知縣葛致遠可以總司其事得

旨如所議行六月安徽巡撫李續宜駐新洲規復黃州時羅田勇擊賊何家寨千總胡載舟力戰死八月副都統穆圖善復黃梅彭玉麟會知州李瑜復蘄州多隆阿復廣濟黃州賊尙築壘抗拒總兵李續燾及臬司彭玉麟會攻黃州總兵成大吉駐上巴河多隆阿駐蘄州之曹家河以絕其援二十日黃岡人劉維楨獻計規黃州候補道蔣凝學受之誘賊出城伏兵四起燒賊壘火光照天積屍徧原野其奔三台河者劉維楨率所部楊維幹等會水師圍斬溺無算遂復黃州城

同治元年秋九月捻匪竄黃安團勇擊敗之提督成大吉道員毛有銘赴麻城扼其下竄舒保督馬隊進勦副將藍斯明黃安知縣諸鏞扼宋埠道員梁作楫駐兩路口以禦賊屢創之

賊不敢犯

二年春三月總兵楊朝林駐麻城營壘未定捻匪由福田河闌入參將王允昌倉卒出戰追賊黃土岡遇伏被圍朝林力戰救之還保縣城夏四月髮逆會捻匪陳大禧犯白杲鎮穆正春擊敗之斬悍賊五百賊疾趨黃岡官文令副將王桐柏守上巴河成大吉駐岐亭副將蕭恆勝扼松子長嶺二關而舒保以馬隊出入其間作爲游兵巡撫嚴樹森督師團風鎮五月髮逆僞端王藍矮子僞遵王賴汶洸與捻匪陳大禧張總愚合竄黃州成大吉楊朝林石清吉周鳳山從麻城進勦秋九月毫捻擾麻城踞宋埠爲官軍所敗旋撲縣城知縣王瀚都司向百福督勇截擊之乃竄劉結子河縱橫數萬陳列河

黃州府志 卷之十
次兩隄翼以馬隊馳抄我軍舒保親揮勁騎馬賊奔步賊爲
蕭恆勝所擊亦潰斬首三千級樊賊王瞎子程大老坎舒保
率所部追擊拔出難民二千餘人賊竄河南黃州肅清
三年夏五月髮捻兩逆數十萬合隊竄麻黃晝氛夜燹橫互五
百里皆賊壘其大隊麇聚李家集辛家沖馬鞍山諸要隘富
森保成大吉分道迎擊賊拒戰破之新洲追至迴龍山水師
梁洪勝率五營逕趨黃州駐三台河扼蘄濟之路適餉缺一
軍大噪黃岡知縣陳汝蕃聞之搜括俸餘並假樊口釐局得
三千金馳給洪勝軍始帖然用命羅田知縣王臣弼督勇分
守林家背中界河賊突至戰於尤河羅勇死傷甚眾難民枕
藉於道僞輔王陳得才據白杲麻城被圍糧竭時

上命親王僧格林沁由光山督軍會勦於是楊朝林周鳳山援麻城
蘇克金駐光麻之交與楚師會梁洪勝趨蘄水扼險要姜玉
順蕭河清由樊城東下四路合圍防賊東竄破其救援金陵
之計六月金陵克復髮捻奔集麻黃閒恃山徑峻險馬隊難
施倚白杲河爲巢穴時我軍分兩路親王僧格林沁爲客兵
蘇克金陳國瑞張曜從之大學士總督官文爲主兵成大吉
楊朝林周鳳山從之賊逼官軍而壘阻我餉運成大吉斬其
悍目麻黃道通軍勢漸揚而蘄水賊又至初髮逆馬融和捻
首賴汶洸任柱等聞金陵巢穴已碎日夜西竄擾蘄水蔡家
河梁洪勝擊敗之賊又西竄羅田圖與麻城賊合秋七月僧
格林沁令蘇克金敗賊於白杲又敗之閻家河又敗之紅石

堰英翰敗賊柏子塔擒首宋朝如以千七百衆降麻城東北賊始盡是月十九日成大吉督軍三路攻白杲夫子河密耳山之賊楊朝林自六合集進周鳳山由夫子河進富森保由大崎山進大吉親率會昭仕馳出雲霧砦賊憑壘死鬪官軍用礮轟擊直擣中堅賊不支越嶺遁有伏壘中者大吉踏壘先進奮臂大呼鎗礮聲震賊大潰連奪卡壘數十座餘賊竄三角灣或竄黃安之料棚均爲我軍所敗乘勢拔白杲鎮餘匪竄蔡家河趨蘄水與賴任諸賊合是時蘄水之賊屢圍梁洪勝營壘不克分擾羅田柳林河滕家堡等處烽火照耀羅田紳勇力戰敗之千總吳必昌陣亡羅人憤攻益力殺賊無算麻蘄兩賊旣合股圖竄蘭谿左光培扼擊之乃東竄六安

敗擒有北竄河南光山者八月成大吉擊馬融和於羅田大戰長嶺岡敗之斬馘二千羅勇擊賊黃泥塘敗之時蘄羅羣盜如毛難民流離山野愁苦萬狀官文令梁洪勝扼駱駝坳李成謀駐松子關周鳳山守團陂譚仁芳赴張家塆協力勦賊先後獲勝九月成大吉楊朝林敗擒匪於羅田賊竄二蘄與髮賊合石清吉力戰於蕪山死之成大吉被圍於關口姜玉順李成謀兩路馳救拔其圍賊西北竄羅麻之交官軍擊賊木子店又敗之白杲僧格林沁督師過羅田進駐上巴河十月僧格林沁官文會於竹瓦店議進兵策官文督水師清江面僧格林沁專任勦賊於是喬松年派兵扼英山截其東竄之路英翰郭寶昌扼商城截其北竄之路何紹彩駐古佛

堂截其西僧格林沁晝夜窮追直抵霍山樂兒嶺賊既懾王
威武又奔逃五晝夜窮蹙乞命投械跪地者七萬人陳得才
仰藥死惟張總愚賴汶洸任柱等不降劉維楨率所部忠義
各營分路躡之賊焚掠北去

四年冬十一月擒匪由麻城進逼松子關羅勇嚴壘以守賊不
敢犯十二月擒逆賴汶洸牛老紅竄麻城黃岡時總兵成大
吉軍乏食潰於宋埠賊乘隙嘯聚十餘萬大江之北烽火彌
月不絕

五年春正月總兵梁洪勝擊賊街埠死之副將韋志俊駐團風
提督馬德昭會志俊軍於新洲約李清濟以舟師擊賊賊棄
巢亂竄踐踏死者無數追敗之陡陂山斬賊以千計救難民

萬餘人餘賊北竄光山黃州肅清冬十月擒逆邊馬擾麻城
提督劉銘傳進軍伍家河剿之

六年春二月擒逆由黃陂竄黃岡提督劉維楨率所部楊維幹
劉炳忠等敗之迴龍山賊東趨二蕪撲梅濟黃州震動巡撫
曾國荃馳赴黃州飭記名布政使彭毓橘擊賊溪潭劫賊敗
方渡港我軍窮追陷泥淖敗績彭毓橘罵賊死道員葛承霖
提督羅朝雲王仕益陳致祥鄧泰福同時陣亡夏四月劉銘
傳駐黃安之紫屏鋪分三路擊賊斬馘無算奪馬騾千匹解
散難民萬人追至陡山李昭慶以兵迎擊大敗之時任柱賴
汶洸竄安陸署總督譚廷襄巡撫曾國荃恐賊由光羅犯鄂
調劉維楨赴麻城防白雀圍木陵關之路譚仁芳赴黃安防

黃州府志卷之十

仙花店黃陂站之路賊不敢犯黃州平自後捻逆轉竄河南

河北麇集山東七年為淮軍所殲寰海鏡清

詔湖北黃州等處經髮捻各逆肆擾者豁免節年積欠錢糧與民休息

黃州府志卷之十下終

